



Broj: 01/01-1254/9-2022  
Sarajevo, 01.07.2022. godine

Na osnovu člana 69. stav (2) tačka d), člana 70. stav (1), (4) i (6) Zakona o javnim nabavkama („Sl. glasnik BiH“, broj 39/14), na preporuku Komisije za javnu nabavku, broj: 01/01-1254/8-2022 od 15.06.2022. godine u konkurentskom postupku nabavke robe – **NABAVKA I UGRADNJA VODENIH PUMPI ZA HIDRANTSKU MREŽU**, Dekan Univerziteta u Sarajevu - Prirodno-matematički fakultet je donio

## ODLUKU

### o poništenju postupka javne nabavke

#### Član 1.

Poništava se postupak javne nabavke roba – **NABAVKA I UGRADNJA VODENIH PUMPI ZA HIDRANTSKU MREŽU**, objavljen dana 23.05.2022. godine na Portalu javnih nabavki, broj: 29340-7-1-48-3-22/22, iz razloga što nijedna od primljenih ponuda nije prihvatljiva.

#### Član 2.

Ova odluka objavit će se na web-stranici [www.pmf.unsa.ba](http://www.pmf.unsa.ba) u skladu sa članom 70. stav (6) Zakona o javnim nabavkama BiH.

#### Član 3.

Ova Odluka stupa na snagu danom donošenja.

### Obrazloženje

Postupak javne nabavke pokrenut je Odlukom o pokretanju postupka javne nabavke roba: **NABAVKA I UGRADNJA VODENIH PUMPI ZA HIDRANTSKU MREŽU**, broj: 01/01-1254/1-2022 od 23.05.2022. godine. Obavještenje o nabavci broj: 29340-7-1-48-3-22/22 objavljeno je na Portalu javnih nabavki dana 23.05.2022. god.

Poziv za preuzimanje tenderske dokumentacije u sistemu „E-nabavke“ je 25.05.2022. godine prosljeđen sljedećim ponuđačima:

1. HIDROINVEST d.o.o. Sarajevo
2. HING d.o.o. Sarajevo
3. ELTE 3 d.o.o. Sarajevo

Iz *Izveštaja o preuzimanju tenderske dokumentacije od strane ponuđača*, vidljivo je da su u periodu koji je ostavljen za dostavljanje ponuda do 02.06.2022. godine, tendersku dokumentaciju preuzeli slijedeći potencijalni ponuđači: EKAPIJA DOO, INSTRUMENTS, INTERMETAL DOO, BBS EUROPE, ETAL BH D.O.O., "GRADPROM" D.O.O. SRBAC, ELEKTROCENTAR PETEK D.O.O. TUZLA, „FIRE TRADE“ D.O.O.,

ELEKTRO UNIVERZAL D.O.O. TUZLA, EMTELEKTRO INŽENJERING D.O.O., VATROSISTEMI D.O.O., HIDROINVEST DOO.

Iz *Izvjestaja o pitanjima i odgovorima* u vezi sa tenderskom dokumentacijom, vidljivo je da je u periodu koji je ostavljen za dostavljanje pitanja i odgovora, ponuđači nisu postavljali pitanja u vezi pojašnjenja tenderske dokumentacije.

Iz *Zapisnika o otvaranju ponuda* vidljivo je da je Komisija za javne nabavke dana 06.06.2022. godine sa početkom u 10:30 sati izvršila javno otvaranje blagovremeno prispjele ponude slijedećeg ponuđača:

R. br.	Naziv/ime ponuđača	Blagovremene ponude	Broj prijemnog protokola	Datum i vrijeme pristigle ponude	Ponuda/izmjena i/ili dopuna ponude i datum i vrijeme pristigle izmjene/dopune Ponude
1.	„HIDROINVEST“ d.o.o Sarajevo	Da	01/01-1254-1/5-2022	03.06.2022.g. u 15:00 sati	-

Na javnom otvaranju ponuda nisu bili prisutni predstavnici ponuđača.

Zapisnik sa otvaranja ponuda je zajedno sa zapisnikom o prijemu ponuda dana 07.06.2022. godine prosljeđen elektronskim putem (E-mail-om) ponuđaču koji je blagovremeno dostavio ponudu.

Komisija za javne nabavke sastala se 06. 06. 2022. godine sa početkom u 10:30 sati, radi pregleda i ocjene ponude, odnosno da bi utvrdila da li je ponuđač ispunio uslove koji su traženi Tenderskom dokumentacijom, kao i da bi utvrdila da li je ponuđač dostavio tehnički zadovoljavajuću ponudu u skladu sa zahtjevima iz Tenderske dokumentacije i da li je kvalifikovan za nabavku predmetne robe.

Iz *Zapisnika o pregledu i ocjeni ponuda* vidljivo je da je Komisija utvrdila sljedeće:

*Tačkom 7.1 Uslovi za kvalifikaciju Tenderske dokumentacije kao jedan od uslova za kvalifikaciju u smislu dokazivanja profesionalne djelatnosti i tehničko-profesionalne sposobnosti u skladu sa članom 49. Zakona o javnim nabavkama predviđeno je:*

- da će ponuđač u predmetnom poslu angažovati jedno lice VSS - građevinske ili arhitektonske struke sa položenim stručnim ispitom.

*Tenderskom dokumentacijom u svrhu dokazivanja profesionalne djelatnosti i tehničko-profesionalne sposobnosti, u skladu sa članom 49. tačka c) Zakona o javnim nabavkama:*

- ✓ ponuđač je pored Izjave ponuđača da će angažovati predloženo lice za izvršenje predmetnog posla ukoliko bude izabran u predmetnom postupku nabavke bio dužan dostaviti **Kopiju diplome o stručnoj spremi i kopiju dokaza o položenom stručnom ispitu za jedno lice VSS - građevinske ili arhitektonske struke.**

Komisija za nabavke je pregledom i ocjenom ponuda konstatovala da je ponuđač „HIDROINVEST“ d.o.o. Sarajevo u svojoj Ponudi dostavio kopiju dokaza za Samira Đulančića o položenom stručnom ispitu, kao i Izjavu da će imenovanog angažovati za izvršenje predmetnog posla ukoliko bude izabran u predmetnom postupku nabavke. Međutim, ponuđač je u svojoj Ponudi izostavio dostaviti kopiju diplome o stručnoj spremi za navedeno lice, za Samira Đulančića, kako je predviđeno TD. Imenovani je dostavio kopije diploma za druga dva lica, ali ne i za lice za koje je priložen dokaz o položenom stručnom ispitu i Izjava.

U tački 7.1 Uslovi za kvalifikaciju TD također je propisano da u slučaju da se u ponudi ne dostave traženi dokumenti propisani tenderskom dokumentacijom ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenih uslova za kvalifikaciju.

Pored navedenog u skladu sa tačkom 8. Sadržaj ponude i način pripreme ponude TD je propisano da su Ponuđači obavezni da pripreme ponude u skladu sa zahtjevima i uslovima koji su utvrđeni u ovoj Tenderskoj dokumentaciji.

Imajući u vidu navedeno utvrđeno činjenično stanje, Komisija je konstatovala da ponuđač „HIDROINVEST“ d.o.o. Sarajevo nije postupio u skladu sa tačkom 7.1. Tenderske dokumentacije i članom 49. tačke c) ZJN, jer nije u ponudi dostavio traženi dokaz, te time nije ispunio zahtjeve Ugovornog organa utvrđene u Tenderskoj dokumentaciji za navedeni predmet nabavke.

Budući da je članom 68. stav (4) tačka i) ZJN propisano da ugovorni organ obavezno odbacuje ponudu koja nije potpuna i ne ispunjava uslove iz tenderske dokumentacije, Komisija za javne nabavke, imajući u vidu prethodno navedeno činjenično stanje, je konstatovala da je Ponuda ponuđača „HIDROINVEST“ d.o.o. Sarajevo neprihvatljiva. U skladu sa prethodno navedenim zakonskim odredbama i Tenderskom dokumentacijom, zbog neispunjavanja navedenih uslova za kvalifikaciju, ponuda je ocjenjena kao neprihvatljiva, te kao takva nije uzete u dalje razmatranje.

Pored navedenog, Komisija je istakla u Zapisniku činjenicu da su cijene ponude ponuđača „HIDROINVEST“ d.o.o. znatno veće od osiguranih sredstava za predmetnu nabavku. Procjenjena vrijednost bez PDV-a iznosi 23.000,00 KM, a cijena ponude bez PDV-a 32.596,25 KM. U skladu sa navedenim Komisija je zaključila sljedeće: da je i ponuđač podnio prihvatljivu ponudu, što u ovom predmetu nabavke nije slučaj, predložili bi poništenje postupka javne nabavke u skladu sa članom 69. stav (2) tačka e) ZJN.

Komisija za javne nabavke je predložila Dekanu da na osnovu člana 69. stav (2). tačka d) Zakona o javnim nabavkama BiH, donese Odluku o poništenju postupka javne nabavke roba: **NABAVKA I UGRADNJA VODENIH PUMPI ZA HIDRANTSKU MREŽU**, jer nijedna od primljenih ponuda nije prihvatljiva.

Iz gore navedenih razloga, primjenom člana 69. stav (2) tačka d) Zakona o javnim nabavkama BiH, prihvaćena je preporuka Komisije i odlučeno je kao u članu 1. ove odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od pet (5) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

**DEKAN FAKULTETA**

**Prof. dr Nusret Dresković**

Dostaviti:

- Hidroinvest d.o.o. Sarajevo
- Dosije nabavki
- a/a